



Til: andreak@vso.is

Efni: Vinnslutillaga að breytingu á Aðalskipulagi Skagafjarðar 2009-2021

Upplýsingar:

Sent: 07.03.2018 10:03:18 af Trausti Baldursson, Málsnúmer: 2018020003, Bréfalyklar: 42-0 Ums almennt

Tilvísun í mál: 2018020003

Vísað er til meðfylgjandi tölvupósts frá VSÓ ráðgjöf f.h. sveitarstjórnar Skagafjarðar, dags. 2. febrúar sl., þar sem kynnt er vinnslutillaga að breytingum á Aðalskipulagi Skagafjarðar 2009-2021 og gefinn kostur á að kom að ábendingum og athugasemdum. Um er að ræða í allt sex breytingar sem varða: A Val á legu Blöndulínu 3, B Sauðárkrókslínu 2, C Virkjunarkosti í Skagafirði, D Urðunarsvæði við Brimnes fellt út, E Nýtt tengivirki og rafstreng á Sauðárkróki og F Ný efnistökusvæði (12 möguleg svæði).

Náttúrufræðistofnunar Íslands er lögbundinn umsagnaraðili skv. 68. gr. laga um náttúruvernd en þar segir: „Við gerð deiliskipulags á náttúruverndarsvæðum, á svæðum sem njóta sérstakrar verndar skv. 61. gr. og frummatsskýrslu framkvæmdaraðila vegna mats á umhverfisáhrifum skal leita umsagnar Umhverfisstofnunar, Náttúrufræðistofnunar Íslands og viðkomandi náttúruverndarnefnda.“ Þar sem Náttúrufræðistofnun er ekki lögbundinn umsagnaraðili um aðalskipulag sveitarfélaga hefur stofnunin og löggjafinn ekki gert ráð fyrir mannafla hjá stofnuninni til að rýna tillögur sveitarfélaga að aðalskipulagi. Engu að síður vill stofnunin koma að nokkrum almennum ábendingum um framangreint mál þó ekki hafi unnist tími til að skoða tillögurnar ítarlega. Hafi sveitarfélagið áhuga á að leita til stofnunarinnar um álit á einstökum þáttum við frekari vinnslu skipulagsins verður reynt að bregðast við því eftir bestu getu.

Með tilliti til hlutverks Náttúrufræðistofnunar er það val á legu Blöndulínu 3, virkjunarkostir í Skagafirði og ný efnistökusvæði sem eru þær breytingar sem eru líklegastar til að hafa mest áhrif á náttúru svæðisins. Í vinnslutillögunni kemur fram að gert er ráð fyrir að ákvörðun um virkjunarkosti í Skagafirði verði áfram frestað og því eru ekki gerðar athugasemdir við þann þátt vinnslutillögunnar. Jafnframt kemur fram að ný efnistökusvæði tengjast fyrst og fremst Blöndulínu 3 en þessar framkvæmdir eru háðar mati á umhverfisáhrifum. Í tillögunni kemur auk þess fram að Landsnet mun fljótlega hefja undirbúning að nýju mati á umhverfisáhrifum fyrir Blöndulínu 3 en þar kunna að koma fram nýjar hugmyndir að legu línunnar. Má því jafnframt gera ráð fyrir að val á efnistökusvæðum muni geta breyst.

Aðrar breytingartillögur hafa minni áhrif s.s. að urðunarsvæði er fellt út og tengivirki og rafstrengur eru innan þéttbýlis. Gert er ráð fyrir að fyrirhuguð Sauðárkrókslína 2 liggja um beitolönd og túnjaðra, mela og móa með stöku mýrarflákum, framræstum mýrum og klapparholtum, sbr. mynd 5.1 í tillögunni. Samkvæmt myndinni má gera ráð fyrir að Sauðárkrókslínan fari ekki inn á friðlýsta svæðið við Miklavatn. Hvað Sauðárkrókslínu 2 varðar er ljóst að þar geta verið svæði sem þarf að vanda til verks til að koma veg fyrir óþarfa rask t.d. á votlendi.

Í tillögunni segir að farið verður í „nýtt“ umhverfismat fyrir a.m.k. hluta þeirra framkvæmda sem tillögurnar ná yfir m.a. vegna útgáfu vistgerðakorta. Umhverfismatið í heild er byggt á fyrirliggjandi gögnum en Náttúrufræðistofnun hefur ekki haft tök á rýna þau gögn enda koma þau ekki fram í tillögunni né heldur hvaða aðferðafræði var beitt við umhverfismatið þó ýmis viðmið séu tilgreind. Náttúrufræðistofnun vill benda á eftirfarandi við frekari vinnslu á skipulaginu:

Í lögum um náttúruvernd nr. 60/2013 er að finna ýmis ákvæði sem eru leiðbeinandi um hvernig ber að nálgast vernd náttúruminja (s.s. lífríkis, jarðminja og landslags). Náttúrufræðistofnun leggur áherslu á að í allri skipulagsvinnu sé skoðað hvernig það samræmist almennum markmiðum laganna sem koma fram í 1., 2. og 3. gr. þeirra, 1. gr. (*Markmið laganna*), 2. gr. (*Verndarmarkmið fyrir vistgerðir, vistkerfi og tegundir*) og 3. gr. (*Verndarmarkmið fyrir jarðminjar, vatnasvæði, landslag og víðerni*). Einnig þarf að skoða einstakar greinar sem geta átt við. Hér má t.d. nefna greinar 6. til 12. um meginreglur hvað varðar náttúru- og umhverfisvernd, 14. gr. um hlutverk náttúruverndarnefnda, kafla IV um almannarétt, útivist og umgengni, kafla IX um friðun vistkerfa, vistgerða og tegunda, 61. gr. um sérstaka vernd vistkerfa, jarðminja o.fl., 63. grein um framandi lífverur og svo auðvitað kafla XII um skipulagsgerð, framkvæmdir og fleira, greinar 68. til 73., þar sem komið er inn á gerð skipulagsáætlana, hönnun mannvirkja og ræktun.

Margt af því sem kemur fram hér að framan hefur nú þegar verið skoðað að einhverju leiti við gerð vinnslutillögunnar og umhverfismats hennar en mikilvægt er að skoða áhrif skipulagsins m.t.t. allra framangreindra lagagreina eftir því sem þær eiga við þær tillögur sem settar eru fram í skipulaginu.

Eins og áður hefur komið fram er Náttúrufræðistofnun umsagnaraðili um frummatsskýrslur og deiliskipulag á verndarsvæðum og gerir stofnunin því ráð fyrir að koma að frekari athugasemdum eftir því sem við á síðar í ferlinu s.s. vegna Blöndulinu 3. Stofnunin hefur því miður ekki haft tök á því að rýna framkomnar tillögur og umhverfismat þeirra m.t.t. þeirra grunngagna sem kunna að liggja að baki þeim og enn síður haft tök á að skoða framangreinda kosti á vettvangi.

Náttúrufræðistofnun leggur áherslu á að allar ákvarðanir í skipulagsvinnu byggji á sem bestum þekkingargrunni hvað varðar náttúrufar og að alltaf sé leitað leiða til að koma í veg fyrir neikvæð áhrif á náttúruna.

Efni sem kann að nýtast við frekari vinnslu á skipulaginu:

http://utgafa.ni.is/fjolrit/Fjolrit_55.pdf <https://www.ni.is/dyr/fuglar/mikilvaeg-fuglasvaedi>
http://utgafa.ni.is/fjolrit/Fjolrit_54.pdf <https://www.ni.is/midlun/utgafa/kort/vistgerdakort>

Virðingarfyllst,

Trausti Baldursson
Náttúrufræðistofnun Íslands
Icelandic Institute of Natural History
Urriðaholtsstræti 6-8

Pósthólf 125 (P.O. Box 125)

212 Garðabær
Sími/Tele: 590 0500
Email: trausti@ni.is



Frá: Sigrún Fríða Óladóttir/NI.IS
Dags: 02.02.2018 11:24:05
Til: Magnús Guðmundsson/NI.IS@NI.IS
Efni: Fw: Vinnslutillaga að breytingu á Aðalskipulagi Skagafjarðar 2009-2021

----- Forwarded by Sigrún Fríða Óladóttir/NI.IS on 02.02.2018 11:23 -----

From: Andrea Kristinsdóttir <andreak@vso.is>
To: "ni@ni.is" <ni@ni.is>, "trausti@ni.is" <trausti@ni.is>
Date: 02.02.2018 11:18
Subject: Vinnslutillaga að breytingu á Aðalskipulagi Skagafjarðar 2009-2021

Góðan dag

Sveitarstjórn Skagafjarðar samþykkti þann 23. janúar 2018 að kynna vinnslutillögu að breytingu á Aðalskipulagi Skagafjarðar 2009-2021.

Tillagan er meðfylgjandi og er að finna á heimasíðu sveitarfélagsins :

<https://www.skagafjordur.is/is/thjonusta/umhverfis-og-skipulagsmal/byggingafulltrui/auglysin-gar-um-skipulagsmal>

Tillaga að breytingu á aðalskipulagi

Í vinnslutillögu felst (A) kynning á valkostum fyrir legu Blöndulínu 3 (raflína), (B) færsla á legu Sauðárkrókslínu, (C) áframhaldandi frestun á skipulagi fyrir virkjanakosti í Skagafirði, (D) urðunarsvæði við Brimnes er fellt út, (E) nýtt tengivirki og lega jarðstrengs á Sauðárkróki og (F) ný efnistökusvæði vegna framkvæmda.

Í vinnslutillögu er gerð grein fyrir forsendum breytinga, útfærslu og umhverfisáhrifum skv. lögum nr. 105/2006. Skipulagsgögnin eru aðgengileg á heimasíðu sveitarfélagsins skagafjordur.is og á bæjarskrifstofum, Skagfirðingabraut 21 550 Sauðárkróki.

Athugasemdafrestur við vinnslutillöguna er til og 9. mars 2018. Ábendingum og athugasemdum við drögin má koma á framfæri til skipulags- og byggingarfulltrúa á netfangið jobbygg@skagafjordur.is.

Haldinn verður opin kynningarfundur um vinnslutillöguna og verður hann auglýstur síðar .

F.h. Skipulags- og byggingarfulltrúa Skagafjarðar

Andrea Kristinsdóttir

Skipulagsfræðingur MSc.
Umhverfi og skipulag

VSÓ RÁÐGJÖF

Borgartúni 20, 105 Reykjavík, Ísland

Sími: 585 9188

gsm: 865 3440

netfang: andreak@vso.is

heimasíða: www.vso.is

Leiddu hugann að umhverfinu áður en þú prentar út þennan tölvupóst.

Þessi tölvupóstur og viðhengi hans getur innihaldið trúnaðarupplýsingar eingöngu ætlaðar þeim sem hann er stílaður á.

Ef póstur þessi berst fyrir mistök þá vinsamlegast gerið sendanda viðvart og eyðið póstsendingunni.



ASK_sv.fel.upprattur.pdf ASK_thettbylisuppr.pdf adalsk.lag-vinnslutillaga_greinargerð.pdf